

MOOIFONTEIN BLOMMETOER

2017



Mooifontein se blommetoer..... wat 'n heerlike ondervinding was dit nie.

Op 'n koue Saterdagoggend, 26 Augustus 2017, vertrek ons op die ondervinding van 'n leeftyd. Ons was vyf SAWA Mooifontein gesinne, vier SAWA Wesrand gesinne, een SAWA Despatch gesin en een gesin van Bloemfontein.

Sommer van dag een af kon ons sien hoe elkeen na mekaar omsien. Eers moes Hendrik en Daleen omdraai en voertuie omruil, en kort daarna bars Fanie en Gerda se woonwa se band.

Heelwat later kom hulle agter dat hulle woonwa 'n besering opgedoen het.

Johan en Fanie het dit so mooi heelgemaak en kon hulle verder sonder bekommernisse saamry.




Ons eerste besienwaardigheid was by Kuruman se OOG. Daar het Loot so bietjie beserings op sy woonwa opgedoen en moes hy 'n poot afhaal. Vandaar het ons na Red Sands vertrek, waar ons oornag het.



Die hoogtepunte hier was die uitry na die berg en toring waar ons die sonsondergang kon geniet. Dit was besonders omdat dit 'n reuse windpomp is wat glad nie werk nie. 'n Selfoontoring is verskuil in die windpomp om nie die omgewing te ontsier nie. Wat 'n briljante plan! Daarna het ons lekker in die restaurant geeët en gekuier. Hendrik en Daleen sluit ook later die aand weer by ons aan. Die volgendeoggend is ons almal vroeg op en vertrek ons opgewonde Augrabies toe.

Ons het eers by Kathu aangedoen om na die geweldige groot lorrie en masjinerie van die Sishen myn te bekyk.

Ons stop in Keimoes by die bakkiespomp. Dit was nogal hartseer om te sien dat die bakkiespomp nie natuurlik loop nie. Hoepfner het die wiel gedraai om die pomp van die water te demonstreer.



Natuurlik het ons by die Pienk Padstal in Kakamas ook gestop, wat altyd 'n wonderlike ervaring is. Almal het hulle verkyk aan die oulike sêgoed en lekkernye en allerhande ander goedjies aangekoop. IDis nou goedjies wat gewoolik iewers op 'n rak gaan eindig en elke week afgestof moet word. ☺

By Augrabies is almal se staanplekke vinnig uitgesorteer en kon ons net die mooi van die watervalle geniet. Die ape was nogal lastig en rats – as jy net jou rug draai is aap se kind sommer in jou woonwa in. Die valle het nie baie water gehad nie maar daar was genoeg om dit weereens te geniet en die hand van God in alles te kokerbome is ongelooflik

Ons het twee nagte by Augrabies dag wat ons oorgestaan het, het ons in die park in gery. Daar is lekker ontbyt gemaak by Oranjekom. Ons het en rondgery. Elkeen het gedoen wat hy wou. Later die en gekuier. Die volgendeoggend is weer opgepak en Springbok.



sien. Die honderde indrukwekkend.

oorgeslaap. Die enigste en nogal wild gesien. ook die maanklip bekyk aand is lekker gebraai vertrek ons na

Ons het by Pofadder aangedoen en dit was baie interessant om die uitstalling by die motorhawe te besigtig. Die padstal het baie oulike aandenkings gehad, (nog afstof goedjies) vars gebakte pasteie en allerhande lekkergoed. Die beursies was sommer wyd oopgemaak.

Andre en Elaine het 'n voorstel gemaak dat ons by Pella aannry en 'n baie besonderse Katolieke kerkie gaan besoek. Die pad was van so aard dat dié wat wou saamry hul woonwaens moes afhaak. Net party van die groep het saamgery Pella toe. Wat 'n belewenis!!!! Die kerk was al klaar gesluit vir besoekers, maar die Suster het daar aangekom

en spesial vir ons oopgesluit. Dit was werklik wonderlik om in die huis van die Here te kon wees en die liefde van die mensdom te beleef. Die groot palmbole buite staan soos 'n oase om die kerk.



Op Springbok het ons almal ons woonwaens

staan gemaak. Die dae was heerlik warm, maar die nagte was maar 'n kwessie van "koud is die windjie en skraal".



Die eerste aand het almal maar vroeg gaan slaap; ons was moeg gery. Die volgende dag is ons na die Namakwa Nasionale park. Die droogte in hierdie area is oorweldigend, en uiteraard was daar nie veel blomme nie, maar dit was weereens die groep se bywoning wat die toer aangenaam gemaak het. Daar is lekker geskerts oor ons radios. Laatoggend ons het by Murasie gestop en rusig deur alles gekuier. Murasie is 'n ou plaashuis wat in 'n padstal omskep is. Die 'padstal' dryf net handel gedurende Augustus en September elke jaar. Koffie & Tee word bedien meen die heerlikste koeke en terte word uitgestal en verkoop. Dit het 'n mens sommer weer terug na jou kinderde na jou ouma se huis op die plaas geneem.



South African
NATIONAL PARKS

KOEROEBEES: IS THE ORIGINAL NAMA WORD FOR THE FOUNTAIN CALLED DORINGFONTEIN. "KOEROE" MEANS DIGGING AND "BEES" WATER. THE SECTION IS PART OF THE LARGER DOORNFONTEIN, WHICH WAS BEQUEST IN 1844 TO JHA AGGENBACH. THIS IS A VERY OLD FARM, AND THE VAST AREA WAS NAMED AFTER THE TWO FOUNTAINS IN THE RIVER. THE TWO FOUNTAINS WERE THE ONLY NOTABLE PERENNIAL WATER SOURCES OF MEANING IN THE AREA. THE FAMILY SETTLED AROUND THE FOUNTAINS HENCE THE VARIETY OF CLAY HOUSES: AT A TIME 6 FAMILIES LIVED HERE, ALL RELATED TO EACH OTHER.

KOEROEBEES: IS DIE OORSPRONKLIKE NAMA WORD VIR DIE FONTEIN DORINGFONTEIN.

"KOEROE" BETEKEN GRAWE EN "BEES" BETEKEN WATER. HIERDIE GEDEELTE VORM DEEL VAN DIE GROTER DOORNFONTEIN WAT IN 1844 AAN JHA AGGENBACH BEHOORT HET. HIERDIE IS 'N BAIE OU PLAAS EN DIE AREA IS VERNOEM NA DIE TWEE FONTEINE IN DIE RIVIER. HIERDIE TWEE FONTEINE WAS DIE ENIGSTE WATERBRONNE VAN BETEKENIS IN DIE AREA. DIE FAMILIE HET HULSELF RONDOM DIE FONTEINE GEVESTIG EN SODOENDE DIE REDE VIR DIE VERSKEIDENHEID HUISE VAN KLEI. EENS OP 'N TYD HET 6 FAMILIES HIER GEWOON, ALMAL BLOEDVERWANT AAN MEKAAR.

Ons was verras met die plantegroei en het 'n paar jong gembokke en springbokke gesien. Ons het deur die park gery tot by 'n bouval genaamd Koeroebees. Van hier af het ons verder na Soebatsfontein gery en van daar af terug na Springbok oor die Wildeperdehoekpas.

Die omgewing was pragtig en ons moes stop om die natuurskoon te geniet. Daarna is ons terug Springbok toe. Doep het gesorg vir heerlike vermaak en lekker warm saamsing-aande.

Die volgende dag is ons Nababeep en Concordia toe. In Nababeep sien ons nie huis blomme nie, terwyl dit nogal bekend is dat daar normaalweg baie mooi blomme is. Dit is duidelik dat die droogte sy tol geëis het.

By Concordia het ons 'n besonderse klip gaan besigtig wat lyk of dit vol dierehoewe is. Dit is 'n mooi piekniekplek wat ongelukkig verwaarloos geraak het.

Die volgende dag het ons na Yzerfontein vertrek. Dit was 'n ver, 500km+ en ons het maar vroeg in die pad gevval. In Klawer het ons by die kelders gestop en lekker wyn geproe en gekoop. Verbasend was die beskikbaarheid van rooibostee & vye fudge. Dit word sterk aanbeveel, al veroorsaak dit dat jou klere effens kleiner word. Daarna is daar ernstig voet in die hoek gesit Yzerfontein toe.

In Yzerfontein is ons staanplekke gou uitgewys en almal slaan kamp op.

Ons het boeke gevat en die aand rustig verkeer. Almal was maar bietjie flou. Daar is besluit dat ons die Sondag die Weskus Nasionale Park gaan besoek en deur die park gaan ry en by die Boesmanland Plaaskombuis in Langebaan gaan eet.

'n Laaang ry voertuie wat gewag om die park binne te gaan begroet ons, maar dit was die moeite werd. Daar was 'n oorvloed blomme wat 'n mens sprakeloos gelaat het.



By Boesmanland het ons baie lekker gekuier en geeët. Daar is foto's geneem, gesing, gelag en gekuier tot laatmiddag toe. Elkeen het op eie stoom en rigting terug gery Yzerfontein toe.

Dinsdag was dit reënerig en baie van ons het by wynkelders, 'n bierbrouery en restaurante gekuier. Dit was 'n lui-lekker dag. Die aand het ons lekker sop en sjerrie voorberei vir aandete en almal het lekker saamgekuier.



Hierna het ons weer begin oppak om die terugtoog aan te pak. Ons het vroeg in die pad gevval na die Karoo Nasionale Park. Hier het ons rustig gekuier tot aandete in die restaurant. Daar is baie gelag en geskerts. Die SAWA Kleinkaroo lede het ons kom welkom heet en saam met ons boeke gevat. Daarna is ons op 'n tradisionele manier welkom geheet – 'n horing vol witblits wat jy op jou een knie moet drink, die leë horing op jou kop omkeer en moet fluit. As jy nie kon fluit nie (natuurlik agt van die velammende effek van die witblits) moes jy "Leeu" met entoesiasme sê. Party van ons kon



skaars asem haal na die slukkie witblits, wat staan nog fluit of praat!

Daar was 'n ry vol deelnemers en ons het lank en lekker vir mekaar gelag.

Die volgende dag het ons bietjie in die park rondgery en die aand net rustig gekuier.

Ons moes maar weereens begin oppak om die volgendeoggend Bloemfontein toe te vertrek. Van hier af het Andre en Elaine, Billy, Lizelle, Kobus en Brenda hul eie rigting ingeslaan vir die res van die toer.

In Bloemfontein by Ryneveldpark het ons almal in een sirkel gestaan en Elize en Chris is huistoe. Ons het almal gesellig saam in 'n restaurant gaan eet. Doep was natuurlik op sy stukke en het gesorg vir lekker lag. Laataand is ons terug woonwapark toe. Ons het gaan slaap met 'n lewenslange ervaring agter ons; stokflou gery en getoer.

Saterdagoggend het ons vir 'n vinnige koppie koffie en muffins by Chris en Elize gestop en amptelik was dit die einde van die toer. Daar was soveel hoogtepunte - pret, plesier, lekker kos, onbeskrylike natuurskoon..... die lys gaan net aan en aan.

Hoepfner en Elsa Wiese was ons toerleiers en het gesorg dat alles glad verloop.

Voel julle nie nou sommer lus vir toer nie?

Waarheen gaan ons volgende keer.....

